

Baibuli y'Abato
erabanjurira

Amazooka
g'Okubanza



Ekahandiikwa: Edward Hughes

Omuteezi w'Ebishushwani: Janie Forest

Kikahindurwamu: Lyn Doerksen

Kikavunuurwa: Manuel John Kamugisha Muranga

Kikashohozibwa: Bible for Children
www.M1914.org

©2019 Bible for Children, Inc.

Okwikirizibwa: Oraikirizibwa kuhanduukurura,
kukora kope nari kuteera ekyapa omuri ogu
mugane, kwonka toraikirizibwa kuguza.




Omukazi ogwe
akeemerera ahari
ako kashuumo
k'akasozi,
ategyereize
ako kagwe
akaabaire
karaza
kubaho.




Omutabani akaba
arimukukaba.

Nyina akaba
ari Maria,
kandi
akeemerera
haihi n'ahu
Yesu

yaabambirwe
aha musharaba.






Ebyo byona kuza
kubaho kikareetwa
ki? N'enki
ekyatumire
amagara
marungi
ga Yesu

gaahendera omu
muringo mubi
gusyo?






Kikaija
kita Ruhanga
okwikiriza

Omwana
we
kubambwa
aha musharaba
akafweraho?





Tugire ngu Yesu
akaba akozire
enshobe

y'okuteemanya?
Tugire ngu
Ruhanga
akaremwa?





Ingaaha!
Ruhanga
tararemirwe;
kandi Yesu
tarakozire
nshobe. Yesu
akaba ashangirwe
aramanya ngu
aryaitwa
abainazi.





Nangwa nobu
yaabaire akyari
omwereere,
omugurusi
Simeoni
akagambira
Maria ngu
okubonaabona
kuryabaho.



Ebiro
bikye Yesu
atakaisirwe,
omukazi omwe
akaija yaamushuka
amajuta g'emigaju
aha bigyere.
Abeegyesibwa be
baayetomboitwa
bagumize ngu ...




...
"Reeba oku
arimukushiisha
esente!" Yesu
yaabagira ati,
"Arimukukora
omurimo murungi.
Yaagukorera
okuziikwa kwangye." Ebyo
bigambo bikabashobera!



Ahaanyima y'ebyo, Yuda, omwe aha
beegyesibwa ikumi na babiri ba Yesu,
akaikiriza kureebya
Yesu n'okumuhayo
aha banyamurwa
abakuru

ahabw'empiiha
30
z'efeeza.





Yesu akarya n'abeegi
be ekiihuro ky'aha
muheru aha bugyenyi
bw'Ekiyudaaya
obw'Okuhingurwaho.
Akabagambira bingi
by'okutangaaza
ebirakwata

...






... ahari Ruhanga
n'aha ndagaano ze
ahabw'abaramukunda.
Mpaho Yesu yaabaha
omugaati n'ekikopo
kya viinyo
kubibagana.



Ebi bikaba
biri eby'okuguma
birabaijusya ngu
omubiri n'eshagama
ebya Yesu bikaheebwayo
ahabw'okusaasirwa
ebibi.



Reero Yesu yaagambira banywani
be ngu araza kuheebwayo, aza bo
bahunge. Peter yaamuhamiza
ati, "Timbaasa
kuhung!"



Yesu yaamugarukamu ati, "Eshaaki ku eraabe etakabikire, oraza kuba waanyehakaine emirundi eshatu."





Bwanyimaho
omuri ekyo kiro,
Yesu akaza
kushabira omu
Musiri gwa
Gesese maane.
Abeegi abaabaire
bari nawe
baakwatwa oturo
baanyaama.





Yesu nikwe
kushaba, ati,
"Ya Taata 'we ...,
oreke eki kikopo
kimpingure.
Kwonka kitaaba
nk'oku nyowe
ndenda, kureka
iwe nk'oku
orenda."




Ahonaaho ekikungamusisa
ky'abantu kyayeshuka omu
musiri, kyeebembeirwe
Yuda. Yesu
tarabarwaniisize,
kwonka Petero
akatemaho
omuserukare
okutu.



Yesu akakwata okwo
kutu yaakumugaruzaho,
yaamutambira. Yesu
akaba aramanya ngu
okukwatwa kweye
ni kimwe aha bi
Ruhanga yaabaire
asiimire ngu
bibeho.



Ekikungamusisa kyona kyatwara Yesu
ow'enju y'omunyamurwa omukuru.



Reero okwe
abeebembezi
b'Abayudaaya niyo
baagambiire
ngu Yesu
ashemereire
afwe.




Haihi aho, Petero akaba
ayemereire aha rubaju rw'ekikoome
ky'abaheereza, arimukureeba
ekiraakurateho.

Emirundi eshatu
abantu
bakareeba
Petero,
baamugira
ngu, ...




"Naiwe obaire ori na Yesu!" Emirundi
eshatu egyo Petero akahakana, nk'oku
Yesu yaabaire amugizire.

Nangwa
n'okurahira
akarahira,
yaatamu
n'okukyeena.




Okubika kw'eshaaki

Omuri ako kaanya
eshaaki ekabika.
Petero akagihurira,
waashushwa ngu
yaahurira eiraka
rya Ruhanga ahariwe.



Okubika kw'eshaaki



Ku yaijukire
ebigambo bya
Yesu, Petero
yaarira munonga.






Yuda akeefuuza


eki yaakozire. Akaba
aramanya ngu Yesu
akaba ataine rubanja
rwena nari ekibi
eki akozire.





Yuda nikwe kugaruzayo
empiha 30 z'efeeza,
kwonka abanyamurwa
baayanga
kuzaakiira.





Yuda esente nikwe
kuzinaga aha butaka,
akashohora aheeru
y'orurembo,
akeehanika.





Abanyamurwa
baareeta Yesu omu
maisho ga Pilaato,
Gavana
w'Ekirooma.
Pilaato yaagira
ati, "Ogu Mushaija

tihaine nshobe i
mmureebiremu."







Kwonka abantu
baagamba
n'eiraka
rihango,
bagumize ngu,
"Mumubambe!


Mumubambe!"



Pilaato yaarugaho
yaaremwa, yaasharira
Yesu orw'okubambwa aha
musharaba akafweraho.
Abaserukare baateera
Yesu ebikonde,
baamucwera
amacwansi
aha maisho,
baamuteera
enkoni.




Baakora ekirunga
ky'amahwa maraingwa
garacumita, baakimujweka
aha mutwe baraigatira.
Bwanyima baamubamba
aha musharaba gw'ekiti,
baamureka
yaafwa.




Yesu akaba agabirwe aramanya ngu
aryafwa omuri ogwo muringo. Kandi

akaba aramanya
ngu okufwa kwe
kuryareetera
abasiisi
abaramwesiga
kusaasirwa
ebibi.



Abambuzi babiri bakabambirwa aha
rubaju rwa Yesu, omwe ahari buryo,
ondiiho ahari bumosho.

Omwe aharibo
akaikiriza Yesu,
yaaza omuri
Paradiso, ondiiho
taraikiirize.




Ahaanyima y'okubonabona
kumara eshaaha,
Yesu akagira ati,
"Kyahwa,"
reero
yaafwa.

Omurimo gwe
gukaba gwahwa.
Banywani be
bakamuziika omu
kituuro ekyabaire
kiine mukama
waakyo.



Bwanyima abaserukare
b'Ekirooma
baasiba aha
munwa gw'ekyo
kituuro, kandi
baaguma

barakirinda. Tihaine
owaabaire arabaasa
kukitaahamu - nainga
kukirugamu.



Kuri oragira ngu aho
niho byagarukiire,
kikoobaire
kiri ekintu
ky'obusaasi.

Kwonka
Ruhanga akakora
eky'okutangaaza.
Yesu taragumire
afwire!



Omu kasheeshe
karekare, aha izooba
ry'okubanza omu
saabiiti, bamwe
aha beegi ba
Yesu

bakashanga
eibaare rihango
eryabaire rikingire
ekituuro ritariho,
rihirikirwe aha rubaju. ❤️



Ku baaringuriizemu
baashanga Yesu
atarimu.



Kwonka omukazi
omwe 'we akagumaho,
araririra aha rubaju
rw'ekituuro. Yesu
nikwe kumweyoreka!



Yaagyenda arairuka
ashemereirwe, yaaza
kugambira abeegi
bagyenzi be, ngu:
"YESU AHURIIRE!
YESU

AZOOKIRE
OMU BAFU!"



Hatakahweireho omwanya
muraingwa, Yesu yaija yaashanga
abeegi be, yaabeereka engaro ze
ezaabaire ziine enkojo z'emisimaari
i baamubambiisize. Nekyamazima,
YESU AKABA AZOOKIRE!



Akasaasira Petero
ahabw'okumwehakana, kandi
yaagira abeegi be ngu buri muntu
ou baraabone bamugambire
ebya Yesu. Ekyo ku kyahweire
yaagaruka omu Iguru ei yaabaire
agabirwe arugire.



Amazooka g'Okubanza

Omugane kuruga omu Kigambo kya
Ruhanga, Baibuli

gurashangwa omuri

Matayo 26-28, Luka 22-24,
Yohaana 13-21

"Ebigambo byawe, byashuuruurwa,
birareeta omushana." Zaaburi 119:130



Omuhuru



Ogu mugane gw'omu Baibuli guratugambira
ahari Ruhanga waitu ow'okutangaaza,
owaatuhangire kandi orenda ngu tumumanye.

Ruhanga aramanya ngu tukozire ebintu bibi,
ebi areeta ekibi. Ekifubiro ky'ekibi n'okufwa;
kwonka Ruhanga ahabw'okukukunda munonga
akoohereza Omwana weeye omwe nyamunegyere,
Yesu, kufwera aha musharaba nk'ekifubiro
ahabw'ebibi byawe. Kwonka Yesu akazooka,
yaatamba oweeye omu Iguru! Waikiriza Yesu,
okamushaba kukusaasira ebibi byawe, arakikora!
Araiya hati, atuure omuriwe, reero naiwe
otuure nawe ebiro n'ebiro.



Waaba oraikiriza ngu ago
nigo mazima, gambira Ruhanga oti:
Ai Yesu, ndaikiriza ngu ori Ruhanga,
kandi ngu okaija nk'omuntu, waafwera ebibi
byangye; kwonka hati kandi oriho, ohuriire.
Ndakushaba ngu oiye omu magara gangye
hati, onsaasire ebibi byangye, ngire
amagara masya, kandi eizooba rimwe
nyije kutuura naiwe ebiro n'ebiro.

Shoma Baibuli kandi ogambe
na Ruhanga buri izooba!
Yohaana 3:16

